

SRS mora ponovo podnijeti prijavu za registraciju svoje stranke

Danas su Ralph Johnson vršilac dužnosti Visokog predstavnika i šef misije OSCE-a ambasador Robert Berry dali upute Srpskoj radikalnoj stranci (SRS) da odgovorajućem sudu u Republici Srpskoj ponovo podnese svoju registracijsku prijavu, ali bez Nikole Poplašena kao člana stranke, kao i druga dva zvaničnika na vodećim pozicijama. U suprotnom SRS neće biti ovjerena kao stranka registrovana za opštinske izbore zakazane za 8 april, 2000.

U pismu upućenom zvaničnicima ove stranke, Johnson i Berry su naznačili da je Privremena izborna komisija (PIK) u posljednje vrijeme revidirala aplikacije političkih stranaka da bi odredila njihovu podobnost za opštinske izbore. U pismu stoji da je gospodin Nikola Poplašen iz SRS-a i dalje bio naveden u svojstvu legalnog predsjednika te stranke. Pored toga, također je rečeno da gospoda Mirko Blagojević i Ognjen Tadić su također bili navedeni kao zvaničnici ovlašteni da predstavljaju SRS.

Dana 5. marta, 1999. godine, Visoki predstavnik je smijenio gospodina Poplašena sa pozicije predsjednika Republike Srpske jer je gospodin Poplašen obstruirao implementaciju rezultata opštih izbora održanih 1998. Također, on je i kontinuirano obstruirao implementaciju Opšteg okvirnog sporazuma za mir (GFAP). Pored ovoga, Izborna potkomisija za žalbe (EASC), prije opštih izbora iz 1998. je uklonila gospodina Blagojevića i gospodina Tadića sa liste kanidata za SRS radi ozbiljnih kršenja PIK-ovih Pravila i propisa od strane SRS-a. Gospodin Blagojević i gospodin Tadić su čak i nakon što su njihova imena bila uklonjena sa kandidatskih listi, nastavili da

koriste "zapaljive" jezične izraze sa nakanom da potaknu na nasilje i destabilišu BiH.

U pismu dalje stoji da "time što i dalje drže gospodina Poplašena, gospodina Blagojevića i gospodina Tadića u svom političkom vrhu, te time što se gospodinu Poplašenu dozvoljava da potpisuje izjave u ime stranke SRS-a, ova stranka krši član 7.35 PIK-ovih Pravila i propisa. Kao posljedica ovoga, a sa nakanom da se SRS uspješno registruje za opštinske izbore zakazane za april 2000-te godine, SRS mora zvanično ukloniti gospodina Poplašena, gospodina Blagojevića, i gospodina Tadića sa vodećih pozicija u SRS-u. Ovo mora biti urađeno u skladu sa Zakonom Republike Srpske o organizaciji političkih stranaka."

SRS mora obezbijediti sudsku dokumentaciju PIK-u do 22. oktobra, 1999. Ukoliko se gore navedene osobe ne uklone sa vodećih pozicija u SRS-u, i ako se ne preda neophodna dokumentacija PIK-u, PIK neće dozvoliti ovoj stranci da učestvuje na opštinskim izborima zakazanim za april 2000. godine.

Visoki predstavnik i PIK će zahtijevati veći stepen saradnje od strane svih političkih stranaka, koalicija, i nezavisnih kandidata vezano za odredbe Opšteg okvirnog sporazuma za mir i Pravila i propisa za vrijeme perioda izbora u aprilu 2000. PIK i Visoki predstavnik će posebno paziti na to da političke stranke ne koriste "zapaljive" jezičke izraze koji potiču na nasilje i destabilišu BiH, te da ne koriste metode zastrašivanja za vrijeme izbornog perioda. Radi toga, čak i ako se neka stranka uspješno registruje za izbore, PIK i Visoki predstavnik će nastaviti pratiti ponašanje stranaka, koalicija, i nezavisnih kandidata, te će preduzeti neophodne mjere sa nakanom da se osigura poštovanje odredbi GFAP-a i PIK-ovih Pravila i propisa.